



Page: 12

Reach: 0

Country: BOSNIA AND HERZEGOVINA

Size: 512 cm2

1 / 1

12. DECEMBAR 2014.

www.press.ba

**TRGOVINA DROGOM UHAPŠENO OSAM LICA**

# ZAPLIJENJEN kilogram heroina

**Akcija "Oskar"** Uhapšeni Ali Lokaj, Muharemi Nijazi, Hakija Mehović, Nermin Planinić, Vidak Milić, Remzija Brkić i lica sa inicijalima E. I. i A. E.

**Snježana Karić**  
Sarajevo

**Ali Lokaj (57), Muharemi Nijazi (51), Hakija Mehović (53), Nermin Planinić (38), Vidak Milić (64), Remzija Brkić (46) i lica sa inicijalima E. I. (35) i A. E. (51) uhapšeni su juče zbog sumnje da su se bavili krijumčarenjem i preprodajom droge.**

Lokaja, koji je označen kao vođa, i ostale osumnjičene uhapšili su pripadnici SIPA, u akciji "Oskar", usmjerenoj na razbijanje organizovane kriminalne grupe koja se bavila trgovinom droge!

Grupi se, između ostalog, na teret stavlja da je u proteklih pola godine iz Makedonije, Crne Gore i sa Kosova krijumčarila heroin i skank u BiH. U akciji je zaplijenjeno 1,05 kilograma heroina i oko 800 grama smjese za miksanje sa drogom, kako bi dobili na količini. Zaplijenjena je i jedna digitalna vaga, pribor za miješanje i pakovanje droge, kao i drugi predmeti koji mogu poslužiti u dokaznom postupku protiv osumnjičenih.

U SIPA i Tužilaštvu BiH, po čijem je nalogu akcija izvedena, juče nisu željeli da otkrivaju imena uhapšenih, potvrđivši da je riječ o grupi koja je osumnjičena za organizovani kriminal. Dodali su da je akcija počela rano jutro i da je u njoj učestvovalo više desetina pripadnika SIPA, ali i Obavještajno-bezbjednosne agencije BiH, MUP-a Srbije i MUP-a Tuzlanskog kantona. Istražioци su u sklopu ove akcije pretresli kuće i druge objekte u vlasništvu osumnjičenih lica, na deset lokacija na području Sarajeva,



**PRIVODENJE OSUMNJIČENIH** Pretreseno 10 lokacija

Zvornika i Bihaća.

- Uhapšeni su A. L. (57), M. N. (51), H. M. (53), N. P.

**Iz Makedonije, Crne Gore i sa Kosova u BiH krijumčarili heroin i skank**

(38), V. M. (64), E. I. (35), A. E. (51) i R. B. (46) zbog postojanja osnova sumnje da su počinili krivično djelo orga-

nizovani kriminal, u vezi sa krivičnim djelom neovlašćeni promet opojnim drogama. Osumnjičeni su da su od juna do decembra ove godine vršili neovlašćeni promet heroina i skanka, s ciljem pribavljanja protivpravne imovinske koristi - naveli su u SIPA.

Dodali su da su istražioци u proteklih pola godine, na području BiH i Srbije, u tri navrata od ove grupe ukupno zaplijenili 1,2 kilograma heroina, i pola kilograma

skanka. U okviru ove akcije u ranijem periodu je uhapšeno još pet lica, pripadnika navedene kriminalne grupe.

U Tužilaštvu BiH su naveli da istraga u ovom predmetu traje više mjeseci i da će osumnjičeni, nakon kriminalističke obrade u prostorijama SIPA, biti predati u daljnju nadležnost dežurnom tužiocu, koji će ih ispitati.

Osumnjičeni u ovom predmetu su pod istragom da su kao članovi organizovane grupe vršili međunarodnu trgovinu skankom i heroinom. Sprovođeni istragu na ovom predmetu došlo se do saznanja da su osumnjičeni duže vrijeme dopremali heroin u BiH i zatim drogu miješali sa različitim supstancama, kako bi dobili na količini. Osumnjičeni su i za rasturanje droge na području BiH, ali i na teritoriji Srbije i Hrvatske - saopšteno je iz Tužilaštva BiH.

## Poznati policiji

Kako saznaje Press, Lokaj je do sada više puta privođen, kao i Milić, koji je hapšen prošle godine, u policijskoj akciji "Lutka". Milić je tada uhapšen sa još šest lica sa područja Sarajeva i Zvornika, koji su dovođeni u vezu sa kriminalnom grupom Darka Eleza. Nakon saslušanja u policiji Milić je pušten na slobodu. Njegovo ime tada je dovođeno u vezu sa pljačkom Pavlović banke u Bijeljini 2007. godine, kada je ukradeno 1,8 miliona maraka, ali za to djelo nije optužen.